

3 Yoane Yoaneje ekap kalimbuje kulenguop.

O bukune Gaiο,

¹ Nâje Kiristohât lohimbi yengât kunyeje manmâ nânġâyinjim yâkât den kâsikum yinjim gan. Otmu gâ gurâ yawuâk den kâsikum gihim biwinaje kepeihekmâ manmâ gan. Yakât otmâ ekap yu kulengum katgihian.

²⁻⁴ Gâje biwihe galemahom hengenġum Kiristohât den tinâk lâum yâkât mâtâp tâġ tâġâk watmâ gat. Yakât bukulipnenje nombotġaje taka gâhât den pat eknohoġetâ nânġâm heronje dondâhâlâk otban. Yawu gârâmâ sâp âlâen den pat nânġâman yan yawu ki otman. Yawu mansat yakât nânġâm yuwu sâm gâhât Anitâ ulitguman. “O Awonġ, gâje Gaiο nânġawaġgirâ umatġe âlâ kakġan ki yâhâwuap. Yawu otmâ hâk sânduhânâk manmâ yâhâwuapġât nânġâm ulitgoġan.” Yawu sâm gâhât Anitâ ulitguman.

Yoaneje bukuje Gaiο mepaeop.

⁵ Nâje kapi yu ambolipġe lok nombotġe hoġ hânġânyongomune gâhâlen takawi. Takawi sâp yan gâje Kiristohât den lâum manmat yakât nânġâm dâiyekmâ emelan katyekmâ sot um yinjion.

⁶⁻⁷ Otmu purik sâm takawi yan Kiristohât lohimbi nengât sennennġan kinmâ buku otyinjion yakât den pat eknongonġetâ nânġâm heronje nânġâhihiwin. Otmu nâje âlâkuâk

hoŋ hânġanyongomune pâku lohimbi kapiŋe kapiŋe manmâ arai ya yeŋġâlen ari Kiristohât den pat âlepŋe ekyongom mansai. Den pat ekyongom mansai yakât hâmeŋe ningiŋet sâŋ ki ekyongonomai. Yawu gârâmâ nep mem mannomai yaŋe gâhâlen takanetâ tatmâ yapâ mâtâp meyiŋgirâ pilâm âlâengen ari nep menomai. Yawu otyiŋgirâ Anitâŋe nânġâhihimu ârândân otbuap.

⁸ Nen Kiristohât lohimbi wosapâ me wosapâ manmainŋe lok yawuya yeŋġât nânġâyiŋim senŋe âlâlâ tânyongonom. Yawu otyiŋgimunŋe yâkŋe Kiristohât den pat sâŋ haok tuhuŋetâ liŋgarakmâ ariwuap.

Dioterepe yet Demetirio yâk yetġât sâop.

⁹ Otmu yeŋe gurâ yawuâk lok yawuya yeŋġât nânġâyiŋim senŋe âlâlâ tânyongonetġât den tâlâwâk kulemgum katyiŋgimune ekbi. Yâhâ yeŋġâlen ġâtŋe lok âlâ, kutŋe Dioterepe, yâkŋe ikŋahâk lohimbi yeŋġât kunyeŋe manbe sâŋ nâhât den kakŋan sâŋap.

¹⁰ Otmu imbiâk nâhât den belângen sâŋap. Nâŋe lohimbi hânġanyongomune yeŋġâlen takanetâ ki buku otyiŋgimap. Otmu bukuliŋŋaŋe buku otyiŋgimai sâŋ kuyiŋim topŋe âlâlâ mânġâeyekmap. Yakât otmâ nâŋe sâp âlâen yeŋġâlen takawom yanâmâ yâkât orotmeme bâleŋe sâŋ aran yu lohimbi senyeŋan kinmâ sâŋ tetemune nânġânomai.

¹¹ Bukune, yuwu sâŋmune nânġâ. Dioterepeŋe otmu bâlemap yawu ki otbuat. Lohimbi âlâ me âlâŋe orotmeme bâleŋe tâtâem otmai ya yekmunŋe

Anitâhâlen biwiyeŋaŋe ki kepeimai yawu otmap. Yâhâ lohimbi âlâ me âlâŋe orotmeme âlepŋeâk otmai ya yekmunŋe Anitâhâlen biwiyeŋaŋe kepeimai yawu otmap. Yakât otmâ gâŋe gurâ orotmeme âlepŋeâk otmâ yâhâwuâtgât naŋgan.

¹² Yâhâ bukunenŋe âlâ, kutŋe Demetirio, yâkŋe târârâhâk manmap. Otmu yâkât manmanŋe ekmâ nen Kiristohât lohimbiŋe nâŋgâwaŋgim mepae-main. Nâŋe den ki meman ya naŋgat. Yakât otmâ den yan yu nâŋgârâ bulâŋe otbuap.

Den bâiŋe sâm hâreop.

¹³ Nâŋgân nâŋgân âlâlâ biw inan tap ya hârohâk kulemgum katgihimbâm yamâ nâŋgâmune umatŋe otmu pilâm den pâŋe tâlâwâk yu kulemgum katgihian.

¹⁴ Yâhâ sâp ki kâlep otmuâk gâhâlen takamune eŋakmâ den alahuromgât naŋgan.

¹⁵ Biwihe huruŋ sâm u manbuatgât nâŋgâm Anitâ ulitguman.

Bukulipyenŋe orowâk nâŋgâhihiain. Otmu bukulpnenŋe gâ orowâk mansai ya yeŋgât gurâ nâŋgâyinŋiain ya ekyongowuat.

Nâ bukuyenŋe,
Yoane

Yesuât Den Pat Âlepŋe
The New Testament in the Selepet Language of Papua
New Guinea
Nupela Testamen long tokples Selepet long Niugini

copyright © 1986 Wycliffe Bible Translators, Inc.

Language: Selepet

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 18 Apr 2025 from source files dated 31 Aug 2023

995083d2-705e-5a60-af47-1e36806ccbc